



**Ioannis Tollenarii Brvgensis e Soc. Iesv Specvlvm
Vanitatis Sive Ecclesiastes Solvta Ligataq. Oratione
Dilvcidatvs**

Tollenaer, Jean de

Antverpiæ, 1635

Metrica Paraphrasis.

[urn:nbn:de:hbz:466:1-68633](https://nbn-resolving.org/urn:nbn:de:hbz:466:1-68633)

METRICA PARAPHRASIS.

HVC, huc oculos *Astræa* tuos
Celsâ in terras ex arce vibra,
 Non quæ quondam sortita poli
 Statione locum, quâ *Parrhasias*
 Proximus undas subit inuitus,
 Arctica flectens plaustra *Bootes*;
 (Nihil ad mæstos fabula questus:)
 Sed quæ terras exosa, *Dei*
 Penitos gaudes habitare sinus.
 Huc huc facilis tantisper ades:
 Et quas mæror parturit, hauri
 Pronâ iustas aure querelas.
 Dum fora *Themidos* rauca pererro,
 Nulla per orbem mihi visa *Themis*.
 Siue obsessas crebro intueor
 Iudice portas; hac proscripta est
 Nobilis exul. Seu mihi *Sanhedrim*
 Illibatum populi florem
 Claraque sanctæ lumina gentis
 Celebri ostentant arce *Sionis*;
 Coetibus istis, heu! contemptor
 Inopis turbæ residet fastus.
 Seu *Cecropiæ* sede *Minervæ*
 Libitum est *Areos* lustrare pagum,
 Celebresque reo *Marte* cathedras;
 His in tenebris palpitât error,
 Iungensque suas geminat noctem.
 Paucis cura est iuris & equi.
 Seu *Palladium*, seu *Prytaneum*,
 Seu quodcumque est orbe tribunal

X

Ani-

*Animus lustrat; nullam Themidos
In sede Themim conspicio: aut merx
Vilis pretij Themidos libra est,
Aut ius summum iniuria summa est.
Frustrà hic lacrymas Vidua thalamis,
Frustrà lacrymas soboles orba,
Frustrà lacrymas promunt inopes.
Auido rictu turbam imbellem
Instar leporum leo deglubit.
Quoties terret diadema oculos,
Aut strata gemunt iura sub ense,
Aut percellunt saturæ Tyrio
Murice vestes, unctasque manus
Fascinat aurum; frustrà implorat
Iudicis vnam causa minorum.
Potior nummis, potior iure est.
Munera causam dulcius omni
Suade eloquio muta perorant.
Miseri cives! Si cui fasces
Arbiter orbis tradidit vrbis,
Sedet elinguis, speque metuque
Geminâ ferri compede vinctus.
Regnum infelix! si, cui cingit
Diadema comas, impete caco
Sæuiat exlex. At vos miseri,
Quibus in promptu dira libido est
Nigrum innocuis figere Theta,
Quibus arbitrium vitæ atque necis
Furor effrenis temerè effutit,
Discite atroces Numinis iras.
Veniet, Veniet funesta dies,
Cum nube caput Phæbus opacâ*

Luridus abdet: cū sanguineo
 Squallida amictu tenebris faculam
 Luna negabit: cū, concusso
 Cardine celi, fragor horrendū
 Mugiet orbis: cū supremi
 Iudicis iræ famulas tendet
 Natura manus. Ille per altum
 Æthera veltus nube coruscā
 Penitasque fibras lumine scrutans,
 Iustum, iniustum, iustæ expendet
 Pondere lancis. Tum virtuti
 Constabit honos: tunc æterno
 Vindicta nefas dabit exitio:
 Tunc quæ lento pede proreptans
 Dubiam Nemesis mentem excruciat,
 Spectentne vagas Numina terras:
 Scelera horrenda strage piabit.
 Non tunc viduas thalami exsortes
 Lare cauidici procul arcebunt:
 Non in tenebris causa minorum
 Spreta iacebit: non in longum
 Differet inopes Iudicis urna.
 AMPLIUS & NON LIQVET exesse.
 Omnia quondam tempus habebant,
 Omnia at istud tempus habebit.

PROSA EXEGESIS.

CVM varia hoc Capite protulisset Ecclesiastes, quæ
 curiosos diuinorum operum inspectores sollicitos
 in hac vitâ habent, atque exercitos; hoc tandem ad cu-
 mulum vanitatis adiecit, quod ceteris multò est acer-
 bius, nimirum in hac rerum humanarum confusâ cali-